



COMMUNICAZIUN DA PRESSA

ANTICIPAZIUNS DA LETTERE DALLA SVIZZERA ALLA VALPOSCHIAVO

IN, DUS, TRAIS... E DAI!

**È IL TEMA DA LA QUARTA EDIZIUN DAL FESTIVAL,
A POSCHIAVO, DALS 4 ALS 6 D'OCTOBER 2024**

Dapi venderdi als 4 enfin dumengia als 6 d'october 2024 ha lieu la **quarta ediziun** dal festival deditgà a la creaziun litterara svizra en las quatter linguas naziunalas: ***Lettere dalla Svizzera alla Valposchiavo***. Per tut ina fin d'emna daventa **Poschiavo** il cor dal Festival, ina cruschada d'ideas ed istorgias or da las quatter regiuns linguisticas da noss pajais. Er per questa quarta ediziun ha il festival in program cun **bleras scuntradas cun las auturas ed ils auturs**, en in'atmosfera ritga da **creatividad** e da **dialog intercultural**.

Dapi sia naschiantscha ha ***Lettere dalla Svizzera alla Valposchiavo*** surpiglià la missiun da **crear ina rait culturala integrada**, cun collavurar ensemen cun pliras instituziuns localas e naziunalas. Il 2024 vegn questa sinergia puspè a sa sviluppar grazia a las collavuraziuns cun ***Viceversa Letteratura***, il **Premi Grischun da Letteratura**, la **Casa della Letteratura per la Svizzera italiana** e **RSI Rete Due**, che maina a Poschiavo in'episoda captivanta da Vulcano. Ils **lavoratoris per uffants** èn er confermads. Els prevesan lecturas e creaziuns artisticas cun il public giuven, cun guid d'animaturas e scolastas.

***In, dus, trais... E dai!* è il tema da l'ediziun da 2024**

Il tema da l'ediziun da 2024 da Lettere dalla Svizzera alla Valposchiavo è *In, dus, trais... E dai!*

In tema che maina enavos a l'uffanza, als gieus, nua che la grappa è essenziala e nua che la disciplina ed il plaschair vegnan ensemen. Cur ch'ins gioga – *In, dus, trais... E dai!* – van ins ensemen vers ina finamira cuminaivla, mintgin e mintgina cun sia atgna strategia, tras muments da star salda e muments da sa mover spert u plaun. La strategia che gudogna n'è betg adina la medema, las cundiziuns da mintga giu determineschentan tge che funcziuna e tge che na funcziuna betg. Sco en la vita e sco en la litteratura.

En la litteratura sco en il giu che dat il num al festival da 2024 midan las strategias e midan ils resultats. **Giugar è ina questiun seriusa, er cur ch'i sa tracta da la lavur solitara da scriver**. Cun questa tematica less il festival onurar las quatter linguas naziunalas, sco en tshellas ediziuns, ma er las diversas scrittiras ed il giu che sa zuppa davos mintgina dad ellas. Tuttas van encunter ils medems puncts: quintar da sasez e dal mund e sa scuntrar cun il lectorat. ***Lettere dalla Svizzera alla Valposchiavo*** less puspè dar ina vusch a questas narraziuns ed a questa scuntrada.

Lettere dalla Svizzera alla Valposchiavo nascha d'in'idea da **Begoña Feijoo Fariña**, coordinatura dal project, ed ha in **comité da programmaziun** cumponì da **Walter Rosselli** (autur F/I e translatur dal rumantsch), **Fabiano Alborghetti** (poet e promotur cultural, Premi svizzer da litteratura dal 2018 e President da la Casa della letteratura per la Svizzera italiana), **Ruth Gantert** (mediatura culturala, redactura e translatura, directura artistica dal Service de Presse Suisse, directura da la redacziun da la revista litterara annuala svizra *Viceversa*), en pli da **Begoña Feijoo Fariña** sezza (autura e promotura culturala en l'ambit dal teater e da la litteratura).

Tranter las emprimas instituziuns che han confermà lur sustegn a LETTERE DALLA SVIZZERA ALLA VALPOSCHIAVO 2024 menziunain nus: Promoziun da la Cultura dal Grischun, Fondation Philanthropique Famille Sandoz, Vischnanca da Poschiavo, Fondaziun Oertli, Kurt und Silvia Huser-Oesch Stiftung, Lia Rumantscha, Stiftung Kultur im Waldhaus Sils, Banca Chantunala Grischuna, Vischnanca da Brusio, che en pliras manieras sustegnan e promovon la quarta ediziun da **Lettere dalla Svizzera alla Valposchiavo**.

Cun il Media Partner **SRG SSR**.

E cun la **COLLAVURAZIUN** da Casa della letteratura per la Svizzera Italiana, Valposchiavo Turismo, *Viceversa litteratura*, Premi Grischun da Litteratura e RSI Rete DUE

Poschiavo, ils 16 d'avril 2024

INFOS

<https://lettereallavalposchiavo.ch/>

BIRO DA PRESSA - Laboratorio delle Parole di Francesca Rossini _Lugano
notizie@laboratoriodelleparole.net // presslab@laboratoriodelleparole.ch
Francesca Rossini mob: +41 (0)77 417 93 72 / +39 39 9222152